

**Naaja H. Nathanielsen
Attaviitsoq**

**UPA2016/69
3. maj 2016**

Inissianik attartortitsisarneq pillugu Inatsisartut peqqussutaata nr. 2, 12. maj 2005-imeersup UPA 2017-mi allanngortinneqarnissaa pillugu Naalakkersuisut suliniuteqaqqullugit inatsisartut aalajangiiffigisassaattut siunnersuut. Taamaaliornikkut atorfirmut atatillugu inigisap sivikinnerpaamik ukiuni tallimani attartoreerneratigut attartortup naliginnaasumik attartukkatut inigilersinnaaqqullugu.

(Inatsisartunut ilaasortaq Anthon Frederiksen, Partii Naleraq)

Siunnersuuteqartumut qujanaq siunnersuummik oqallisisigisariaqartumik saqqummiussissineranut. Ajuusaarnarpoq Naalakkersuisut siunnersuut itigartimmassuk, tungavilersuutigineqartummi pikkunaappallaaqaat. Inuit inigisartik pissutigiiinnarlugu sulisuuginnarnissaat soqutigisarisinnaannngilarput. Inigisaqarneq ukiunit arfineq marlunniit tallimanut sivikilliliineq assigiinngisitsinertut isigisinnaangilara. Nuup avataani inigisamik utaqqisarnerit ukiut aappaa qeqqaniit sisamat tungaanut sivilissuseqarpata, assigiinngisitsinerusinnaangilaq suliffimmut atatillugu inigisaq ukiut tallimat qaangiunneranni nammineq inigisarileraanni.

Assigiinngisitsinituaq oqallisisigisatsinni tassaavoq Nuummi innuttaasut taamak sivilutigisumik utaqqisariaqartarmata, qularnanngitsumik naalakkersuinikkut akerlilersorniarneqarmat pisariaqartinneqarnerpaaffimmi inissialiornissaq. Nuummi innuttaaqataasut amerlaqisut aningaasarsiortiginngillat nammineq ingisaminnik piginnittunngornissaminnut periarfissaqarlutik. Nuummilu inissiat akii taamaatsillugit ukiorparujussuarni suli inissiat atartortittakkat pisortanit pigineqartut pisariaqartuarallassapput.

Siunnersuut akuerisassanngorlugu innersuuppara